

# ՍԱՂՄՈՍ 91

## ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
ՏԻՐՈՋԸ վատահողների ապահովությունը <u>MT չկա</u>	Աստծո ներկայության մեջ բնակվելու ապահովությունը	Խորհրդածություն Աստծո մասին որպես հավատարիմների պաշտպան	Աստված մեր պահապանը	Աստծո պաշտպանության ներքո
91:1-4	91:1-2 91:3-6	91:1-6	91:1-6	91:1-2 91:3-4
91:5-10	91:7-8 91:9-10	91:7-8 91:9-10	91:7-8 91:9-13	91:5-6 91:7-9 91:10-11
91:11-13	91:11-13	91:11-13		91:12-13
91:14-16	91:14-16	91:14-16	91:14-16	91:14-16

### ԸՆԹԵՐՑԱՆՈՒԹՅԱՆ ԵՐՐՈՐԴ ՑԻԿԼ («Մուրբ Գիրքը ճիշտ կարդալու ուղեցույց») ԸՍՏ ՊԱՐԲԵՐՈՒԹՅԱՆ ԲՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ

Սա սերտողության ուղեցույց մեկնություն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Մուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գլուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

1. Առաջին պարբերություն
2. Երկրորդ պարբերություն
3. Երրորդ պարբերություն, և այլն

### ՀԱՄԱՏԵՔՍԱՅԻՆ ՀԱՍԿԱՑՈՒԹՅՈՒՆՆԵՐ

#### Ա. Ներածություն

1. Սա հրաշալի Սաղմոս է, որը նկարագրում է Աստծո պաշտպանությունը և Իր ներկայությունը Իր հավատարիմ հետևորդների հետ (տես՝ Սաղմոս 16, 23, 62, 121):
2. Հաճախ Սաղմոսները խոսում են Իսրայել ազգի մասին (տես՝ Սաղմոս 90), սակայն այս մեկը անհատականացված է (ԵՉԱԿԻ թիվ «դու»):

3. Սաղմոս 91:1-8-ի ճշմարտությունը զուգահեռված է Սաղմ. 91:9-13-ով: Աստծո հոգածությունը և մատակարարումը կրկնվում են շեշտադրության համար և ապա Աստված Ինքը խոսում է Սաղմ. 91:14-16:

Բ. Սաղմոս 91-ում կիրառված անունները Աստծո համար՝

1. Բարձրյալ (*Էլոհիմ*, BDB 751, KB 832), Սաղմ. 91:1ա – բնութագրող տիտղոս, որը շատ հաճախ կիրառվում է պոեզիայում
2. Ամենակարող (*Շադայ*, BDB 994), Սաղմ. 91:1բ, 9բ, կիրառվում է հիմնականում Ծննդոցում և Հորում, միայն երկու անգամ Սաղմոսներում՝ 68:4-ում և այստեղ – Աստծո համար օգտագործվող նահապետական անունը (տես՝ Ելից 6:30):
3. ՏԵՐ (ՅԱՀՎԵ, BDB 217), Սաղմ. 91:2ա, 9ա – Աստծո ուխտի անունը, առաջին անգամ կիրառվում է Ծննդ. 2:4-ում. բխում է եբրայերեն «լինել» (տես՝ Ելից. 3:14) ԲԱՅԻՑ, ռաբբիններն ասում են, որ այն նկարագրում է Աստծուն որպես Փրկիչ և Ազատարար:
4. Աստված (*Էլոսահ*, BDB 43, KB 52), Սաղմ. 91:2բ – սա Աստծո համար գործածվող ընդհանուր անուն է ՀՄԱ-ում՝ Էլ. Ծննդ. 1:1-ում կիրառվում է ՀՈԳՆԱԿԻ ձևը՝ *Էլոհիմ*: Ռաբբիններն ասում են, որ սա նկարագրում է Աստծուն որպես երկրի վրա ամբողջ կենդանության արարիչ, պահապան և մատակարար:

ՀԱՏՈՒԿ ԹԵՄԱ. ԱՍՏՎԱԾՈՒԹՅԱՆ ԱՆՈՒՆՆԵՐԸ, Բ, Գ, Դ  
ՀԱՏՈՒԿ ԹԵՄԱ. ՇԱԴԱՅ

Գ. Այս Սաղմոսում գերակշռում են ԱՆԿԱՏԱՐՆԵՐԸ (28), որոնք ցույց են տալիս մեր Աստծո կողմից հավատարիմ հետևորդների համար շարունակական գործողություններ: Սաղմ. 91:14-ի երկու ՎԱՂԱԿԱՏԱՐՆԵՐԸ ցույց են տալիս հաստատուն, մտերմիկ փոխհարաբերություն Աստծո և Իր հավատարիմ հետևորդների միջև:

Նկարագրությունը ամուսնական կյանքից է (տես՝ Եսայի 54:5, Ովսեա 2:19, Եփես. 5:25):

1. «հարել»՝ տես Ծննդ. 2:24
2. «գիտենալ»՝ Ծննդ. 4:1, 17, 25, 24:16, 38:26

## ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

### NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 91:1-4

- <sup>1</sup>Բարձրյալի գաղտնի տեղում ապրողը  
 Ամենակարողի ստվերի տակ է հանգչելու:
- <sup>2</sup>ՏԻՐՈՋ մասին ասելու եմ. «Իմ ապավենն ու ամրոցն է,  
 Իմ Աստվածը, Ում վրա է հույսս»:
- <sup>3</sup>Հիրավի Նա քեզ փրկելու է որսորդի որոգայթից,  
 Վտանգավոր ժանտամահից:
- <sup>4</sup>Քեզ ծածկելու է Իր փետուրներով,  
 Ու Նրա թևերի տակ ես ապաստանելու:  
 Նրա ճշմարտությունը վահան է ու ապար:

**91:1-4** Այս պարբերությունը կիրառում է մի քանի անուն՝ տիտղոս Աստծո համար (տես Համատեքստային Հասկացություններ, Բ) և մի քանի տեսարաններ, որոնք բնութագրում են Նրա հոգատարությունը և պաշտպանությունը:

1. գաղտնի տեղ՝ ծածկոց – Սաղմ. 27:5, 31:20, որը մատնանշում է տանարը, տես՝ Սաղմ. 27:5, 31:20, 32:7, 61:4
2. ստվեր – տես՝ ՀԱՏՈՒԿ ԹԵՄԱ. ԱՍՏՎԵՐԸ ՈՐՊԵՍ ՊԱՇՏՊԱՆՈՒԹՅԱՆ ԵՎ ՀՈԳԱԾՈՒԹՅԱՆ ՓՈԽԱԲԵՐՈՒԹՅՈՒՆ
3. ապաստան – տես՝ Սաղմ. 5:11-ի առցանց գրառումը, տես՝ ՀԱՏՈՒԿ ԹԵՄԱ. ԱՊԱՍՏԱՆ

4. ամբոց – Սաղմ. 18:2, 31:3, 71:3, 144:2, Երեմ. 16:19

Սաղմոս 91:4 ակնարկում է վերոնշյալ #2, 3, 4:

Այն Մեկը, որին վստահում են հավատարիմ հետևորդները (BDB 105, KB 120, *Qal* ԱՆԿԱՏԱՐ, տես՝ Սաղմ. 4:5-ի առցանց գրառումը):

1. ազատում է նրանց որսորդի որոգայթից (տես՝ Սաղմ. 124:7)
2. փրկում է նրանց մահացու ժանտախտից (տես՝ Սաղմ. 91:6, հավանաբար դիվական, տես՝ Ամբ. 3:5 և ՀԱՏՈՒԿ ԹԵՄԱ. ԴԻՎԱԿԱՆԸ ՀԿ-ՈՒՄ)
3. կծածկի նրանց Իր թևերով (տես՝ Սաղմ. 36:7, 57:1, 63:7, տես՝ ՀԱՏՈՒԿ ԹԵՄԱ. ՍՏՎԵՐԸ ՈՐՊԵՍ ՊԱՇՏՊԱՆՈՒԹՅԱՆ ԵՎ ՀՈԳԱՏԱՐՈՒԹՅԱՆ ՓՈԽԱԲԵՐՈՒԹՅՈՒՆ)
4. Նրա հավատարմությունը (տես՝ ՀԱՏՈՒԿ ԹԵՄԱ. ՀԱՎԱՏԱԼԸ, ՎՍՏԱՀԵԼԸ, ՀԱՎԱՏՔԸ ԵՎ ՀԱՎԱՏԱՐՄՈՒԹՅՈՒՆԸ ՀԿ-ՈՒՄ)  
ա. վահան է (տես՝ Սաղմ. 35:2)

բ. ասպար է կամ (RSV) պատվար (երկուսն էլ ռազմական տերմիններ են, այս բառը (BDB 695, KB 750) կարելի է գտնել ՀԿ-ում միայն այստեղ. NIDOTTE, հատոր 3, էջ՝ 243):

Սա գեղեցիկ և հզոր պարբերություն է Իր ժողովրդի համար ՅԱՀՎԵԻ բնավորության և գործերի մասին:

**91:1 «Ամենակարողի ստվերը»** Սա կարող է վերաբերել՝

1. ուխտի տապանակի վրա *քերովքենների* թևերին (այիսնքն՝ ուխտի պաշտպանությունը, տես՝ Ելից 25:17-22)
2. պաշտպանող մայր թռչնի թևերը (տես՝ Սաղմ. 17:8, 36:7, 57:1, 61:4, 63:7, 91:4, և Մատթ. 23:27)
3. արևի այրող ջերմությունից պաշտպանվելու նկարագրություն (տես՝ Սաղմ. 121:5, Եսայի 25:4, 32:2):

**91:2 «որին վստահում եմ»** Աստծո հետ ուխտի փոխհարաբերության առանցքը սա է (տես՝ Սաղմ. 4:5, 25:2, 56:4): «Վստահելը» (BDB 105, KB 120, *Qal* ԱՆԿԱՏԱՐ, շատ անգամ է կիրառվում Սաղմոսներում) մարդկության կողմից կենդանի Աստծուն տրված պատշաճ պատասխանն է: ՀՐԱՄԱՅԱԿԱՆԸ գտնվում է Սաղմ. 37:3,5, 52:8, 62:8, Եսայի 26:4-ում: Այս բառի հետ առնչվող հոմանիշի համար տես՝ ՀԱՏՈՒԿ ԹԵՄԱ. ՀԱՎԱՏԱԼԸ, ՎՍՏԱՀԵԼԸ, ՀԱՎԱՏՔԸ ԵՎ ՀԱՎԱՏԱՐՄՈՒԹՅՈՒՆԸ ՀԿ-ՈՒՄ:

**91:3 «ժանտամահ»** Հիմնական արմատը 𐤇𐤁 (BDB 182-184), որն ունի մի քանի գործածություն՝

1. աշխարհ (տես՝ Սաղմ. 91:5-ի LXX, UBS Տեքստային Նախագիծը՝ էջ 361, գնահատում է “B”, «կործանման աշխարհ»)
2. խոսք՝ խոսել (տես՝ Երեմ. 5:13)
3. ժանտամահ (տես՝ Ելից 5:3, 9:15, Թվոց 14:12, Ղևտ. 26:25, 2 Օր. 28:21, Սաղմ. 78:50)
4. արոտ (տես՝ Միքիա 2:12)
5. մեղու կամ խայթոց (NIDOTTE, հատոր 1, էջ՝ 916)

Շնարհիվ Սաղմ. 91:5-6-ի #3 լավագույնս է համապատասխանում համատեքստի և զուգահեռակա- նության հետ:

**91:4g** ՅԱՀՎԵԻ բնավորությունը չարի դեմ հավատարիմ հետևորդների պաշտպանությունն է այս բնկած՝ մեղավոր աշխարհում:

ՀԱՏՈՒԿ ԹԵՄԱ. ԻՍՐԱՅԵԼԻ ԱՍՏԾՈՒ ԲՆԱՎՈՐՈՒԹՅԱՆ ԳԾԵՐԸ (ՀԿ)

ՀԱՏՈՒԿ ԹԵՄԱ. ՄԱՐԴԿՈՒԹՅԱՆ ԱՆԿՈՒՄԸ

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 91:5-10**

<sup>5</sup>Չես վախենալու գիշերվա զարհուրանքից  
Ու ցերեկը թռչող նետից,  
<sup>6</sup>Ո՛չ մթնոթյան մեջ շրջող ժանտամահից,  
Ո՛չ էլ կեսօրվա պահին եկող ավերածությունից:  
<sup>7</sup>Հազար հոգի քո կողքից ու տասը հազար քո աջ կողմից են ընկնելու,  
Քայց դա քեզ չի մոտենալու:  
<sup>8</sup>Միայն քո աչքերով նայելու ու տեսնելու ես  
Ամբարիշտների հատուցումը:  
<sup>9</sup>Քանի որ դու ՏԻՐՈՋԸ՝ իմ Ապավենին,  
Բարձրյալին քեզ ապաստարան դարձրիր,  
<sup>10</sup>Քեզ չարիք չի հասնելու ու ոչ մի հարված  
Չի մոտենալու քո հարկին:

**91:5-10** Այս պարբերությունը շարունակում է Սաղմ .91:1-4-ի նկարագրությունը:

1. Սաղմ .91:3բ-ի «վտանգավոր ժանտամահը», որը ընդլայնվում է Սաղմ .91:5-6, 10
2. Սաղմ .91:4գ-ի ռազմական նկարագրությունը ընդլայնվում է Սաղմ .91:7-8-ում

**91:5-6** Այս բաները դիտարկվում էին ռաբբիների կողմից որպես դիվականի տարրեր (տես՝ *Հուդայական Հանրագիտարան*, հատոր 5, էջ՝ 1523): Ուշադրություն դարձրե՛ք՝

1. շրջող, Սաղմ .91:6
2. ընկնելու
3. Սաղմ .91:7-ի «դա»-ն

ՀԱՏՈՒԿ ԹԵՄԱ . ԴԻՎԱԿԱՆՆԸ ՀԻՆ ԿՏԱԿԱՐԱՆՈՒՄ

**91:7** Սա չափազանցություն հանդիսացող արտահայտություն է, որը կիրառում է հավատացյալի ուխտի Աստծո կողմից նրա անձնական հոգածության ռազմական նկարագրություն:

ՀԱՏՈՒԿ ԹԵՄԱ . ՀԱՉԱՐ (*eleph*)

**91:8** Ինչպես որ Աստծո ժողովուրդը ենթարկվում է ամբարիշտների հարձակմանը, այնպես էլ լինելու են նրանց դատաստանի ականատեսը (տես՝ Սաղմ .37:34, 54:7, 58:10): Այս նույն թեմային գեղեցիկ անդրադարձ է կատարում Սաղմոս 73-ը:

❖ «**հատուցում**» Հիմնական արմատի (BDB 1024) այս ձևը (ԻԳԱԿԱՆ սեռ ԵՉԱԿԻ թիվ) ՀԿ-ում կարելի է գտնել միայն այստեղ: ԱՐԱԿԱՆ սեռի ձևերը գտնվում են 2 Օրինաց 32:35, Եսայի 59:18-ում (երկու անգամ):

**91:9-10** Այս համարը երբայերենում կարծես թե առաջին հերթին դիմում է Աստծուն (այսինքն՝ Ո՛վ ՅԱՀՎԵ) առաջին տողում և ապա հայտարարություն է կատարում այն հավատարիմ հետևորդների համար, որոնք Նրան դարձրել են իրենց ծածկոցը՝ բնակատեղին (կամ «ամրոցը», NEB): Մի քանի տեղեր կան, որտեղ ի հայտ են գալիս անձանց նմանօրինակ խառնուրդ: UBS *Ձեռնարկը* (էջ՝ 801) դա առաջարկում է՝

1. Սաղմոս 91:1-ում՝ մի քահանա է խոսում
2. Սաղմոս 91:2-ում՝ երկրպագուն
3. Սաղմոս 91:3-8-ում՝ կրկին քահանան
4. Սաղմոս 91:9ա-ում՝ երկրպագուն
5. Սաղմոս 91:9բ-ում՝ կրկին քահանան
6. Սաղմոս 91:14-16-ում՝ Աստված է խոսում

Սա լուծում է անձի մի քանի խնդիրներ, սակայն բարձրացնում է քերականական այլ հարցեր: Երբայերեն լեզուն հաճախ է առանց որևէ ակնհայտ պատճառի փոխում անձանց, անգամ սեռերը:

**91:10** Սա հավատարիմ հետևորդի տան և ընտանիքի ապահովության և անվտանգության խոստում է:

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 91:11-13**

<sup>11</sup>Քանի որ Իր հրեշտակներին պատվիրել է,  
Որ քո բոլոր ճանապարհներում քեզ պահպանեն:  
<sup>12</sup>Նրանք քեզ ձեռքերի վրա են վերցնելու,  
Որ չլինի, թե ոտքդ քարի խփես:  
<sup>13</sup>Առյուծի ու իժի վրայով ես քայլելու,  
Առյուծի կորյունին ու վիշապին ոտնակոխ ես անելու:

**91:11-12** Այս համարները մեջբերվում են Սատանայի կողմից՝ անապատում Հիսուսի փորձության ժամանակ (տես՝ Մատթ.4:6, Ղուկ.4:10-11): Աստծո հոգատարության խոստմունքը պետք է տեքստային ապացույց ունենա կանխատեսադրյալ պահանջի մեջ: Հավատացյալները չարչարվում են (տես՝ Հոբ, Սաղմոս 73 ի դեմս 2 Օրինաց 27-28, Հռոմ. 8:28-30 ի դեմս 8:31-39):

**91:11** «Նրա հրեշտակները» Սա կարող է լինել ՀԿ-յան հիմք (տես՝ Ելից 23:20) Մատթ.18:10, Ղուկաս 4:10-11 (LXX) և Գործք 12:15-ի՝ «պահապան հրեշտակների» հասկացության համար: Նաև ուշադրություն դարձրեք, եթե համադրեք Եբր.1:14-ը Սաղմ.103:21-ի հետ, կարծես թե կապ կստեղծվի:

ՀԱՏՈՒԿ ԹԵՄԱ. ՊԱՀՎՊԱՆ ՀՐԵՇՏԱԿՆԵՐ

❖ «**քո բոլոր ճանապարհներում քեզ պահպանեն**» Սա հրաշալի խոստում է բոլոր այն մարդկանց, ովքեր վստահում են Աստծուն և դիմում են Նրա հոգածությանը: Այդուհանդերձ, սա նույնպես աստվածաշնչյան չափազանցություն է: Մենք ապրում ենք մի ընկած՝ մեղավոր, չար աշխարհում: Հավատացյալները նեղություններ, հիվանդություններ, փորձություններ կրում են (տես՝ Մատթ. 5:10-12, Հովի. 15:18-21, 16:1-3, 17:14, Գործք 14:22, Հռոմ. 5:3-4, 8:17, 2 Կորնթ. 4:16-18, 6:3-10, 11:23-30, Փիլ. 1:29, 1 Թեսաղ. 3:3, 2 Տիմ. 3:12, Հակոբոս 1:2-4, 1 Պետ. 3:14, 4:12-16, Հայտն. 11:7, 13:7):

ՀԱՏՈՒԿ ԹԵՄԱ. ՉԱՐՉԱՐԱՆՔ

**9:13** Սա կապում է նախորդ խոստումները պատմականորեն Իսրայելի անապատում դեգերելու շրջանի հետ կամ հնարավոր է լինի փոխաբերական խոսք այն խնդիրների համար, որոնց մարդը առերեսվում է այս մեղավոր՝ ընկած աշխարհում (տես՝ Սաղմ. 58:3-5, Ղուկաս 10:19):

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 91:14-16**

<sup>14</sup>Որովհետև իր սերն Ինձ վրա է դրել,  
Դրա համար էլ փրկելու եմ նրան .  
Բարձր տեղ եմ դնելու նրան,  
Քանի որ ճանաչեց Իմ անունը:  
<sup>15</sup>Կանչելու է Ինձ, ու ես նրան պատասխան եմ տալու,  
Նեղության մեջ նրա հետ եմ լինելու,  
Ազատելու եմ ու պատվելու եմ նրան,  
<sup>16</sup>Կշտացնելու եմ նրան երկար օրերով  
Ու Իմ փրկությունն եմ ցույց տալու նրան:

**91:14-16** Աստված խոսում է և հետևաբար դնում է «երես ... ապա» ուխտի օրհնության փոխհարաբերություն (տես՝ Ղևտացիների 26, 2 Օրինաց 27-30):

Աստված (ապա) Հավատացյալ (երես) Աստծո օրհնությունները

1. սեր է տալիս (բառացի՝ «հարիր»), Աստված (ԿԱՏԱՐՅԱԼ) նրա հետ է լինում նեղության ժամանակ
2. բարձր տեղում է դնում, ճանաչում է Աստծո անունը (ԿԱՏԱՐՅԱԼ), փրկում է նրան
3. պատասխանում է նրան, կանչում է Աստծուն (ԿԱՏԱՐՅԱԼ), պատվում է նրան (տես՝ Հովհաննես 12:26):  
ա. երկար կյանքով  
բ. տեսնում է Աստծո փրկությունը

ՀԱՏՈՒԿ ԹԵՄԱ. ԿԱՆՉԵԼ ՆՐԱ ԱՆՈՒՆԸ

ՀԱՏՈՒԿ ԹԵՄԱ. ՅԱՀՎԵԻ «ԱՆՈՒՆԸ»

ՀԱՏՈՒԿ ԹԵՄԱ. ՓՐԿՈՒԹՅՈՒՆ (ՀԿ)

**91:14 «ճանաչել»** Տես՝ ՀԱՏՈՒԿ ԹԵՄԱ. ՃԱՆԱԳԵԼ

## **ՔՆՆԱՐԿՄԱՆ ՀԱՐՑԵՐ**

Սա ուղեցույց հանդիսացող սերտոդության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Բացատրե՛ք թաքստոց, սովեր, ապաստարան, ամրոց սուրբգրային նկարագրությունները:
2. Թվարկե՛ք և սահմանե՛ք Աստծո անունները:
3. Արդյո՞ք Սաղմ .91:5-7 խոսում է դիվականի, պատերազմի, թե հիվանդության մասին:
4. Ինչո՞ւ է Սաղմ .91:9-10 կրկնում Սաղմ .91:1-2-ի մտքերը:
5. Ինչպե՞ս է չարը Հիսուսի հետ խոսելիս ոչ տեղին օգտագործել այս Սաղմոսը:
6. Արդյո՞ք յուրաքանչյուր հավատարիմ հետևորդ ունի «պահապան հրեշտակ»:
7. Արդյո՞ք այս Սաղմոսը խոստանում է, որ հավատացյալները խնդիրներ չեն ունենա:
8. Կապված Սաղմոս 91:14-15-ի հետ բացատրե՛ք «անուն» հասկացությունը: